

INFORMACIJA
o kretanju makroekonomskih pokazatelja
za januar/siječanj - juni/lipanj 2025. godine

Sadržaj

Uvod.....	3
1. Realni sektor.....	7
<i>Kretanje industrijske proizvodnje.....</i>	7
<i>Maloprodaja.....</i>	9
<i>Tržište rada.....</i>	10
2. Javne finansije.....	13
<i>Indirektni porezi.....</i>	13
<i>Direktni porezi, doprinosi i neporeski prihodi</i>	15
3. Cijene i finansijski sektor.....	16
<i>Cijene.....</i>	16
<i>Berze u Bosni i Hercegovini.....</i>	18
4. Vanjski sektor.....	19
<i>Vanjskotrgovinska robna razmjena.....</i>	20
5. Strana direktna ulaganja.....	23

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara Bosne i Hercegovine za ublažavanje uticaja globalne ekonomske krize na privredu Bosne i Hercegovine. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da „Informaciju“ o kretanju mjesečno dostavlja Vijeću ministara.

Direkcija je također zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomije na ekonomiju Bosne i Hercegovine.


„Informacija“ obuhvata kretanje glavnih makroekonomskih pokazatelja u Bosni i Hercegovini za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima Bosne i Hercegovine koje publikuje Direkcija, kvartalno - četiri puta godišnje, te redovno dostavlja Vijeću ministara i Parlamentu Bosne i Hercegovine.

* * *

U ovom dokumentu biće prikazani podaci za nivo Bosne i Hercegovine i entitetske nivoe, gdje je to moguće. Prikazani podaci za nivo BiH ne predstavljaju prosti zbir/prosjek podataka entiteta za svaki od sektora.

Prema trenutno raspoloživim statističkim podacima za 2025. godinu u Bosni i Hercegovini je nastavljen trend rasta ekonomske aktivnosti iz prethodne godine. Naime, prema podacima BHAS-a za 2025. godinu u Bosni i Hercegovini nastavljen je trend rasta BDP, zaposlenosti, vanjskotrgovinske robne razmjene, javnih prihoda ali i inflacije u odnosu na prethodnu godinu. Kada je u pitanju BDP, prema trenutno raspoloživim podacima (statistika nacionalnih računa, rashodovni pristup) BHAS-a za K1 2025. godine procjenjuje se da je stopa realnog ekonomskog rasta u odnosu na isti period prethodne godine iznosila 1,7%, dok je rast u odnosu na prethodni kvartal iznosio 0,6%.¹ Ako se pažljivije posmatra struktura ekonomskog rasta u K1 2025. godine može se zaključiti da je domaća tražnja kroz povećanje potrošnje i investicija predstavljala glavni oslonac rasta, dok je doprinos trgovinskog bilansa bio blago negativan. Pregled strukture ekonomskog rasta u Bosni i Hercegovini u K1 2025. godine po komponentama rasta prikazan je na grafikonu ispod.


Grafikon 1: Struktura ekonomskog rasta u Bosni i Hercegovini u K1 2025. godini po komponentama



¹ Agencija za statistiku Bosne i Hercegovine, Saopštenje, „Bruto domaći proizvod, rashodni pristup, tromjesečni podaci za K1 2025. godinu“, 30.06.2025. godine.

Rast domaće tražnje kroz povećanje finalne potrošnje (privatna + javna) i rast investicionih ulaganja u K1 2025. godine su omogućili nastavak trenda rasta BDP-a u Bosni i Hercegovini od 1,7% u odnosu na prethodnu godinu. Trenutno raspoloživi zvanični statistički podaci na tržištu rada ukazuju da je tokom ovog posmatranog perioda došlo do povećanja broja zaposlenih lica od oko 1%, realnog rasta plata od skoro 10%, što je uz porast priliva doznaka građana iz inostranstva od oko 5% i rasta kredita u sektoru stanovništva od oko 10% i dovelo do povećanja privatne potrošnje od 1,7%. S druge strane, vrijedi istaći da je inflacija u Bosni i Hercegovini u periodu K1 2025. godine mjerena indeksom potrošačkih cijena iznosila oko 3,4% što je nešto više u odnosu na prethodnu godinu. Pored privatne potrošnje, u K1 2025. godine došlo je i do povećanja javne potrošnje od 1,6% usljed povećanja minimalne plate kako u privatnom tako i u javnom sektoru na različitim nivoima u Bosni i Hercegovini. Ako se ima u vidu zastupljenost ukupne finalne potrošnje u strukturi BDP-a od oko 2/3 i njen doprinos u ekonomskom rastu u K1 2025. godine od 1,6 p.p. (privatna potrošnja 1,3 p.p. i javna potrošnja 0,3 p.p.) može se zaključiti da je ista predstavljala ključni oslonac ekonomskog rasta u Bosni i Hercegovini. S druge strane, raspoloživi statistički podaci BHAS-a ukazuju da je u K1 2025. godine došlo do povećanja bruto investicija od 5,5% u odnosu na isti period prethodne godine uz pozitivan doprinos ekonomskom rastu od oko 1,0 p.p. Međutim, prilikom interpretacije doprinosa investicija u strukturi ekonomskog rasta u Bosni i Hercegovini potreban je određen nivo opreznosti obzirom da se statistički posmatrano² u okviru investicija nalaze i zalihe. S druge strane, određeni pokazatelji iz vanjskog okruženja kao i preliminarni podaci o vanjskotrgovinskoj robnoj razmjeni u Bosni i Hercegovini su nešto povoljniji u odnosu na prethodnu godinu. Poboljšanje ovih makroekonomskih indikatora u K1 2025. godine moglo bi ukazivati na nešto bolji doprinos vanjskog sektora u strukturi ekonomskog rasta u Bosni i Hercegovini u 2025. godini. Naime, prema podacima Eurostat-a preliminarna stopa rasta BDP-a u zemlja EU iznosila je 1,4%, što se odrazilo na izvoznju tražnju za bh. izvoznim proizvodima. Grafički prikaz kretanja ekonomskog rasta u K1 2025. godine po glavnim trgovinskim partnerima prikazan je na grafikonu ispod.

Grafikon 2: Ekonomski rast po zemljama (stopa rasta K1 2025/K1 2024)



² Pogledati saopštenje BHAS, statistika nacionalnih računa za K1 2025. godine
https://bhas.gov.ba/data/Publikacije/Saopstenja/2025/NAC_04_2025_Q1_0_BS.pdf

Ovo djelimično poboljšanje privredne aktivnosti u vanjskom okruženju koje se ogleda kroz višu stopu rasta BDP u K1 2025 koja je iznosila 1,4% (rast u K1 2024 iznosio 0,3%) pozitivno se na izvoznu tražnju za proizvodima iz Bosne i Hercegovine. Ovo jačanje izvozne tražnje postepeno je stabiliziralo vanjskotrgovinsku robnu razmjenu u Bosni i Hercegovini, naročito u domenu izvoza. Naime, nakon dužeg vremenskog perioda nešto slabijih izvoznih rezultata u Bosni i Hercegovini je u K1 2025. godine registriran realni rast izvoza od 0,4%. S druge strane, usljed jačanja domaće tražnje (rast potrošnje i investicija) trend rasta uvoza je nastavljen sa registriranom stopom rasta od 1,6% u odnosu na isti period prethodne godine. Ovakva kretanja izvoza i uvoza djelimično su stabilizirali trend rasta vanjskotrgovinskog deficita, tako da je doprinos istog u strukturi rasta bio nešto povoljniji u odnosu na isti period prethodne godine. Kada je u pitanju analiza ekonomskih kretanja u Bosni i Hercegovini u K2 2025. godine vrijedi istaći da podaci statistike nacionalnih računa za referentni period nisu bili dostupni za upotrebu. S druge strane, uvidom u raspoložive kratkoročne statističke pokazatelje procjenjuje se da je rast ekonomske aktivnosti nastavljen.

Pregled makroekonomskih indikatora u 2024. i 2025. godini po mjesecima

		2024.	2025.					
Naziv indikatora	Mjerna jedinica		I	II	III	IV	V	VI
1. Realni sektor								
*BDP	stopa rasta g/g u %	2,5	N/A	N/A	1,7	N/A	N/A	N7A
** Populacija	u milionima	N/A	N/A	N/A	N/A	N/A	N/A	N/A
*BDP/per capita	u KM	N/A	N/A	N/A	N/A	N/A	N/A	N/A
Fizički obim indust. proizvodnje	stopa rasta g/g u %	-4,2	-0,8	-6,1	-0,6	-0,1	-0,8	2,6
Prerađivačka industrija	stopa rasta g/g u %	-4,4	0,6	-8,2	-3,7	-1,1	2,2	2,9
Građevinarstvo	stopa rasta g/g u %	2,8	N/A	N/A	0,4	N/A	N/A	N/A
Maloprodaja	stopa rasta g/g u %	6,4	-1,3	-4,4	-2,9	-1,4	1,1	4,6
Turizam	stopa rasta g/g u %	10,3	8,5	3,9	-5,8	9,2	4,9	-2,5
2. Tržište rada								
Zaposlenost	u hiljadama	855,8	860,0	857,7	854,8	857,1	857,0	N/A
Rast zaposlenosti	stopa rasta g/g u %	0,7	1,2	0,8	0,5	-0,1	-0,2	N/A
Nezaposlenost	u hiljadama	328,6	323,6	324,3	324,2	320,0	315,5	316,9
Rast nezaposlenosti	stopa rasta g/g u %	-5,8	-5,0	-4,2	-3,3	-3,0	-2,8	-2,7
Prosječna neto plata	u KM	1.381	1.508	1.506	1.534	1.545	1.574	N/A
Nominalni rast prosječne neto plate	stopa rasta g/g u %	9,4	13,5	12,6	13,4	12,4	13,4	N/A
3. Vanjski sektor								
Izvoz roba	stopa rasta g/g u %	-3,7	5,1	8,1	8,2	1,0	9,9	3,1
Uvoz roba	stopa rasta g/g u %	3,2	9,9	3,6	4,0	2,8	4,2	3,6
Trgovinski bilans	stopa rasta g/g u %	13,7	17,6	-2,2	-0,7	5,5	-2,9	4,2
*Bilans tekućeg računa	udio % BDP	-4,0	N/A	N/A	-8,7	N/A	N/A	N/A
*Direktna strana ulaganja	udio % BDP	3,8	N/A	N/A	3,5	N/A	N/A	N/A
Devizne rezerve (kraj perioda)	u mlrd. KM	17,6	17,3	17,0	16,9	17,1	16,9	17,1
4. Monetarni agregati i cijene								
Inflacija, CPI	stopa rasta g/g u %	1,7	3,3	3,5	3,2	3,4	3,7	4,6
Hrana	stopa rasta g/g u %	1,6	5,2	5,7	6,3	7,2	8,0	8,8
Goriva i maziva	stopa rasta g/g u %	-3,8	-3,6	-4,2	-8,4	-12,7	-13,7	-10,3
Proizvođačke cijene (kraj perioda)	stopa rasta g/g u %	2,7	3,3	4,1	3,1	2,9	2,6	2,0
M2 (kraj perioda)	stopa rasta g/g u %	9,3	8,9	8,4	7,5	7,8	8,1	8,1
5. Bankarski sektor								
Ukupni krediti (kraj perioda)	stopa rasta g/g u %	9,8	9,8	10,1	10,0	10,2	10,2	10,2
Ukupni depoziti (kraj perioda)	stopa rasta g/g u %	8,8	8,4	7,8	6,3	7,2	7,6	7,9
6. Javne finansije								
Ukupni javni prihodi (porezi, doprinosi, dr.)	stopa rasta g/g u %	9,4	2,6	8,6	9,0	6,9	9,9	13,4
Direktni porezi	stopa rasta g/g u %	13,7	1,1	11,9	-0,2	8,3	7,7	14,5
Socijalni doprinosi	stopa rasta g/g u %	10,2	8,2	14,6	15,9	11,7	14,3	15,7
Bruto prihodi od indirektnih poreza	stopa rasta g/g u %	8,5	1,2	3,7	8,8	2,6	7,7	11,8
Neto prihodi od indirektnih poreza	stopa rasta g/g u %	11,8	-0,3	-0,3	16,1	-0,5	9,0	11,6
Neto prihodi od PDV	stopa rasta g/g u %	11,5	0,9	-0,3	18,3	-2,6	9,1	7,4
*Javni dug sektora vlade	udio u % BDP	26,8	N/A	N/A	24,1	N/A	N/A	N/A

1. U tabeli su prikazani zvanični podaci Agencije za statistiku Bosne i Hercegovine i administrativni podaci određenih institucija u Bosni i Hercegovini.
2. Prikazane stope rasta po mjesecima predstavljaju kretanje pokazatelja u navedenom mjesecu u odnosu na isti mjesec prethodne godine.
3. *označava pokazatelje koji su dostupni samo nivou kvartalnih vremenskih serija (mart- K1), (juni- K2), (septembar- K3) i (decembar-K4).
4. **Posljednji raspoloživi podatak je procjena za 2023. godinu (3,422 miliona). Izvor: BHAS, Demografija 2023.

1. Realni sektor

Kretanje industrijske proizvodnje

Kretanje fizičkog obima industrijske proizvodnje u Bosni i Hercegovini pored proizvodnih procesa u zemlji, u velikoj mjeri je određen ekonomskim kretanjima u glavnim trgovinskim partnerima odnosno izvoznom tražnjom. Obzirom da je u posljednje vrijeme ekonomska aktivnost u zemljama EU bila prilično stagnantna to se odrazilo i na trend kretanja fizičkog obima industrijske proizvodnje u zemlji. Naime, Bosna i Hercegovina već duži vremenski period bilježi trend usporavanja fizičkog obima industrijske proizvodnje. U skladu sa ovim vanjskim kretanjima, Bosna i Hercegovina bilježi niži nivo fizičkog obima industrijske proizvodnje, ovo se naročito odnosi na prerađivačku industriju. Naime, trenutno raspoloživi statistički podaci za 2025. godinu ukazuju da je negativan trend u okviru industrijske proizvodnje u Bosni i Hercegovini nastavljen. Tako je prema podacima BHAS-a za prvo polugodište 2025. godine u Bosni i Hercegovini registriran pad fizičkog obima industrijske proizvodnje od 1,0% u odnosu na isti period prethodne godine.³ S druge strane, ako se posmatra na mjesečnom nivou može se konstatovati da je proizvodnja u junu 2025. godine u odnosu na isti mjesec prethodne godine uvećana za 2,6%. Tabelarni prikaz kretanja fizičkog obima industrijske proizvodnje u Bosni i Hercegovini po entitetima za period januar-juni 2025. godine prikazan je ispod.


Tabela 1: Kretanje fizičkog obima industrijske proizvodnje u P1 2025. godine, po entitetima (stopa rasta u %, g/g)

2025	Federacija Bosne i Hercegovina	Republika Srpska
juni	3,1%	0,2%
januar-juni	0,5%	-4,2%

Izvor: Federalni zavod za statistiku Federacije Bosne i Hercegovine i Republički zavod za statistiku Republike Srpske

S druge strane, sektorski posmatrano prema podacima BHAS-a u P1 2025. godine pad obima proizvodnje u rudarstvu iznosio 2,7%, prerađivačkoj industriji 1,3%, dok je u okviru sektora za proizvodnju električne energije zabilježeno povećanje proizvodnje od 1,1%. Pregled strukture fizičkog obima industrijske proizvodnje po sektorima prikazan je na grafikonu ispod.

Grafikon 3: Kretanje fizičkog obima industrijske proizvodnje u Bosni i Hercegovini, P1 2025. godini po sektorima (rast g/g)




Izvor: BHAS

³ Agencija za statistiku Bosne i Hercegovine, Saopštenje, „Indeks obima industrijske proizvodnje u Bosni i Hercegovini za juni 2025. godine-prethodni podaci“, 26.07.2025. godine.

Na osnovu ovih pokazatelja može se zaključiti da je pad proizvodnje u okviru prerađivačke industrije koja čini 3/4 ukupne industrije i ima visok stepen izvozne orijentacije, predstavljao jedan od ključnih razloga za pad ukupnog obima industrijske proizvodnje u Bosni i Hercegovini u P1 2025. godine. Kao što je ranije navedeno trendovi kretanja u okviru prerađivačke industrije u Bosni i Hercegovini skoro u potpunosti su determinisani kretanjima iste u glavnim trgovinskim partnerima. Pregled kretanja proizvodnje u okviru prerađivačkih industrija glavnih trgovinskih partnera u P1 2025. godine prikazan je na grafikonu ispod.


Grafikon 4: Prerađivačka industrija po zemljama u P1 2025. godine (stopa rasta g/g u %)



Izvor: EUROSTAT

S druge strane, posmatrano po granama najznačajnija smanjenja proizvodnje a samim tim i negativan doprinos u okviru ukupne prerađivačke industrije imale su izvezno orijentirane grane proizvodnje. Grafički prikaz kretanja proizvodnje u okviru prerađivačke industrije u Bosni i Hercegovini po granama u P1 2025. godine po granama prikazan je ispod.

Grafikon 5: Prerađivačka industrija po granama u P1 2025. godine (stopa rasta g/g)



Izvor: BHAS

Maloprodaja

Prema zvaničnim podacima BHAS-a⁴, za period januar-juni 2025. godine, zabilježen je negativan realni rast prometa u maloprodaji od 0,6% g/g (ukupan promet u navedenom periodu iznosio je 8,47 milijardi KM i niži je za 51 milion KM u odnosu na isti period prethodne godine). Trgovina motornim gorivima (dalje u tekstu s.p.) u periodu januar- juni 2025. godine je realno porasla za 6,9% g/g (promet u navedenom periodu iznosio je 1,55 milijardi KM, veći je za 100 miliona KM) dok je sa druge strane trgovina na malo osim trgovine motornim gorivima u specijaliziranim prodavnicama u s.p. niža za 2,1% g/g (promet je iznosio 6,9 milijardi KM, odnosno manje za 151 milion KM).

Tabela 2: Ukupna maloprodaja po entitetima (stopa rasta u %, g/g)


2025. godina	Republika Srpska	Federacija Bosne i Hercegovine
januar-juni	9,7	1,2
juni	17,3	5,6

Izvor: Republički zavod za statistiku Republike Srpske⁵, Federalni zavod za statistiku Federacije Bosne i Hercegovine⁶

Podaci prikazani u tabeli iznad se razlikuju od podataka BHAS-a zbog korištenja različitih modela koji se koriste za desezoniranje podataka.

Nakon početka godine i negativne stope rasta u prva četiri mjeseca te blagog rasta u mjesecu maju, u mjesecu junu 2025. godine došlo je do nešto većeg porasta prometa u maloprodaji. Tako je prema zvaničnim podacima BHAS-a realni rast prometa u mjesecu junu 2025. godine ostvario stopu rasta od 4,6% g/g. Trgovina motornim gorivima u s.p. je porasla za 13% g/g (promet je iznosio 295 miliona i viši je za 34 miliona KM) dok je ostatak trgovine na malo (kada se izuzme trgovina motornim gorivima u s.p.) zabilježio rast od 2,9% g/g (promet 1,26 milijardi KM, viši za 35 miliona KM).

Grafikon 6: Ukupna trgovina na malo u Bosni i Hercegovini – u mjesecu junu po godinama (rast g/g u %)



Izvor: BHAS

Promet u trgovini na malo hranom, pićem i duhanskim proizvodima u nespecijaliziranim prodavnicama (dalje u tekstu n.p.) ostvario je skoro zanemariv porast od 0,8% g/g (veći je za 2,8 miliona u odnosu na isti mjesec prethodne godine) dok je u istovremeno promet u

⁴ Izvor podataka: BHAS, Indeksi prometa trgovine na malo u Bosni i Hercegovini, juni 2025.

⁵ Izvor podataka: Republički zavod za statistiku Republike Srpske Trgovina na malo, juni 2025.

⁶ Izvor podataka: Federalni zavod za statistiku Federacije Bosne i Hercegovine, Trgovina na malo prvi rezultati za juni/lipanj 2025. godine

trgovinama na malo hranom, pićem i duhanskim proizvodima u s.p. viši za 7,8% (odnosno za 2,5 miliona KM). U okviru trgovine na malo neprehrambenim proizvodima najveći porast prometa je ostvaren kod ostale trgovine na malo u n.p. gdje je registrovan rast prometa od 9,1% g/g (porast za 10,6 miliona KM) te u trgovini na malo ostalom opremom za domaćinstvo u s.p. povećanje prometa 14,1% g/g (promet je u mjesecu junu 2025. godine iznosio 124 miliona KM i viši je za 15 miliona KM). Ostale kategorije u okviru trgovine na malo neprehrambenim proizvodima su ostale na približno istom nivou kao i u mjesecu junu prethodne godine.

U sklopu trgovine ostalom robom u s.p. najvišu stopu rasta je zabilježila kategorija trgovine na malo namještajem, opremom za rasvjetu i električnim aparatima za domaćinstvo gdje je registrovano povećanje prometa za 32,3% g/g (viši je za 12 miliona KM u odnosu na isti mjesec prethodne godine). Trgovina na malo tekstilom, odjećom, obućom i proizvodima od kože je također porasla u mjesecu junu 2025.godine pa je tako registrovani rast iznosio 2,2% g/g (promet je povećan za 9,2 miliona KM).

Promet u apotekama, trgovini na malo medicinskim i kozmetičkim preparatima te promet u trgovini na malo sportskom opremom, igrama i igračkama su zabilježili negativnu stopu rasta, dok je istovremeno trgovina na malo knjigama, novinama, muzičkim i videozapisima ostala na približno istom nivou.

Tržište rada

Podatak o broju zaposlenih lica u Bosni i Hercegovini za juni 2025. godine nije objavljen u periodu pripreme Informacije, pa se podaci u tekstu odnose na maj 2025. godine.

Broj zaposlenih lica u Bosni i Hercegovini u prvoj polovini godine znatno je usporio rast i od aprila su registrovane negativne stope rasta (poređenje g/g, tabela ispod). U maju 2025. godine broj zaposlenih lica je iznosio oko 857⁷ hiljada i u odnosu na maj 2024. godine je manji za 0,2%. Iako je smanjenje broja zaposlenih lica evidentno u nekoliko djelatnosti, najznačajniji doprinos negativnoj stopi rasta bio je u području industrijske proizvodnje, a naročito u djelatnosti prerađivačke industrije. Broj zaposlenih lica u prerađivačkoj industriji u maju 2025. godine je smanjen za 3,5% g/g (negativan doprinos rastu ukupnog broja zaposlenih lica od 0,7 p.p.). Broj zaposlenih lica takođe je smanjen i u području djelatnosti vađenja rude i kamena, građevinarstva, poslovanja nekretninama, stručnih, naučnih i tehničkih djelatnosti, informacija i komunikacija, prevoza i skladištenja, poljoprivrede, šumarstva i ribolova, ali je njihov doprinos smanjenju ukupnog broja zaposlenih bio zanemariv u poređenju sa prerađivačkom industrijom. S druge strane, smanjenje broja zaposlenih lica je djelimično usporeno zbog rasta broja zaposlenih u djelatnosti trgovine na veliko i malo, popravka motornih vozila i motocikala (1,5% g/g uz doprinos rastu ukupnog broja zaposlenih od 0,3 p.p.). Pored trgovine, u području djelatnosti zdravstvene i socijalne zaštite broj zaposlenih lica je uvećan za 2,1% g/g (uz doprinos rastu ukupnog broja zaposlenih od 0,2 p.p.). U djelatnosti pružanja smještaja te pripreme i usluživanja hrane broj zaposlenih lica je uvećan za 1,5% g/g uz doprinos rastu ukupnog broja zaposlenih oko 0,1 p.p. Sve ostale djelatnosti su imale manji doprinos rastu ukupnog broja zaposlenih lica u Bosni i Hercegovini.

⁷ Privremeni podatak. Izvor: BHAS.

Tabela 3: Broj zaposlenih⁸ lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	855.764	0,7%	547.660	1,2%	289.722	-0,3%
I 2025	860.041	1,2%	547.291	1,0%	-	-
II 2025	857.707	0,8%	545.427	0,5%	-	-
III 2025	854.831	0,5%	543.165	0,0%	289.328	-0,1%
I-III 2025	857.526	0,8%	545.294	0,5%	289.328	-0,1%
IV 2025	857.083	-0,1%	545.517	-0,2%	-	-
V 2025	856.998	-0,2%	546.452	-0,4%	-	-

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Broj registrovanih nezaposlenih lica u Bosni i Hercegovini u junu 2025. godine je manji za 2,7% u odnosu na juni 2024. godine i iznosio je oko 316,9 hiljada. U prosjeku perioda I-VI 2025. godine broj nezaposlenih lica je bio manji za 3,5% g/g. Na osnovu podataka u tabeli ispod evidentno je da stopa smanjenja broja nezaposlenih lica u Bosni i Hercegovini usporava od početka godine. Podatak o anketnoj stopi nezaposlenosti za drugi kvartal 2025. godine nije objavljen u periodu izrade Informacije. Pregled broja nezaposlenih lica po mjesecima i entitetima u prvom polugodištu 2025. godine predstavljen je u tabeli ispod.

Tabela 4: Broj registrovanih nezaposlenih lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	328.623	-5,8%	260.298	-6,1%	56.323	-7,8%
I 2025	323.628	-5,0%	257.914	-4,1%	53.956	-8,6%
II 2025	324.314	-4,2%	258.831	-3,1%	53.749	-8,7%
III 2025	324.233	-3,3%	259.278	-2,1%	53.279	-8,7%
I-III 2025	324.058	-4,2%	258.674	-3,1%	53.661	-8,7%
IV 2025	320.036	-3,0%	255.881	-1,8%	52.552	-8,4%
V 2025	315.494	-2,8%	252.275	-1,5%	51.622	-8,5%
VI 2025	316.927	-2,7%	253.945	-1,4%	51.452	-8,2%
I-VI 2025	320.772	-3,5%	256.354	-2,3%	52.768	-8,5%

Izvor: Agencija za statistiku Bosne i Hercegovine, Agencija za rad i zapošljavanje Bosne i Hercegovine, Zavod za zapošljavanje Republike Srpske, Federalni zavod za zapošljavanje Federacije Bosne i Hercegovine

Podatak o prosječnoj neto plati u Bosni i Hercegovini za juni 2025. godine nije objavljen u periodu pripreme Informacije, pa se podaci u tekstu odnose na maj 2025. godine.

Prosječna neto plata u Bosni i Hercegovini se nastavila postepeno uvećavati. U maju 2025. godine prosječna neto plata je iznosila 1.574 KM uz nominalni rast od 13,4% g/g. Zbog inflatornih pritisaka realni rast prosječne neto plate je bio nešto sporiji i iznosio je 9,3%. Najveća prosječna isplaćena neto plata u Bosni i Hercegovini u maju 2025. godine bila je u području djelatnosti informacija i komunikacija (2.197 KM) te finansijskih djelatnosti i djelatnosti osiguranja (2.099 KM), dok je najniža prosječna isplaćena neto plata u području djelatnosti pružanja smještaja, te pripreme i usluživanja hrane (1.153 KM).

U poređenju sa istim mjesecom prethodne godine neto plate su nominalno uvećane u svim područjima djelatnosti. Najveće nominalne stope rasta neto plate bile su u djelatnostima pružanja smještaja, te pripreme i usluživanja hrane (26,8% g/g), umjetnosti, zabave i rekreacije

⁸ Podaci o broju zaposlenih lica za Bosnu i Hercegovinu do kraja septembra 2024. godine su konačni, a nakon toga podaci su privremeni. U Republici Srpskoj podaci o broju zaposlenih lica se objavljuju samo za mart i septembar svake godine.

(21,2% g/g), kao i djelatnosti trgovine na veliko i malo, popravka motornih vozila i motocikala (19,2% g/g), administrativnim i pomoćnim uslužnim djelatnostima (18,9% g/g).

Iznos prosječne neto plate po mjesecima u Bosni i Hercegovini i entitetima predstavljen je u tabeli ispod.

Tabela 5: Prosječna neto plata (u KM) i nom. stope rasta u odnosu na isti period prethodne godine

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	1.381	9,4%	1.373	8,9%	1.404	10,2%
I 2025	1.508	13,5%	1.546	15,5%	1.434	9,3%
II 2025	1.506	12,6%	1.525	16,0%	1.475	6,0%
III 2025	1.534	13,4%	1.565	17,2%	1.476	5,9%
I-III 2025	1.516	13,1%	1.545	16,3%	1.462	7,0%
IV 2025	1.545	12,4%	1.583	16,1%	1.473	5,2%
V 2025	1.574	13,4%	1.590	14,9%	1.549	10,4%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Broj penzionera u Bosni Hercegovini nastavio se postepeno uvećavati. U junu 2025. godine ukupan broj penzionera koji primaju samostalne penzije iznosio je 662,5⁹ hiljada i u odnosu na juni prethodne godine uvećan je za 1,7%. Prosječna samostalna penzija u Bosni i Hercegovini u junu 2025. godine iznosila je 704¹⁰ KM i u odnosu na juni 2024. godine nominalno je veća za 5,7%. Rast prosječne penzije rezultat je uvećanja penzija u oba entiteta.¹¹ Najniže penzije u junu 2025. godine nisu se mijenjale u odnosu na prethodni mjesec i u Federaciji Bosne i Hercegovine je iznosila je 599,3 KM, dok je u Republici Srpskoj iznosila 318,6¹² KM za penzijski staž do 15. godina.

Tabela 6: Prosječna samostalna penzija (u KM)

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
XII 2024	667,5	8,2%	724,6	7,3%	594,4	9,8%
I 2025	683,7	3,8%	725,2	2,1%	630,3	6,5%
II 2025	684,0	3,8%	725,3	2,1%	630,9	6,6%
III 2025	684,7	3,8%	726,4	2,1%	631,3	6,6%
IV 2025	703,3	5,7%	759,4	5,1%	631,6	6,6%
V 2025	703,6	5,7%	759,7	5,1%	631,7	6,6%
VI 2025	703,8	5,7%	760,0	5,2%	632,0	6,6%

Izvor: Federalni zavod za penzijsko i invalidsko osiguranje Federacije Bosne i Hercegovine, Fond za penzijsko i invalidsko osiguranje Republike Srpske

⁹ Broj penzionera u Bosni i Hercegovini u analizi predstavlja zbir penzionera koji primaju samostalne penzije od Federalnog zavoda za penzijsko i invalidsko osiguranje i Fonda za penzijsko i invalidsko osiguranje Republike Srpske bez obzira na mjesto prebivališta (u ili izvan Bosne i Hercegovine). Uzme li se u obzir i broj korisnika srazmjerne penzije u Federaciji Bosne i Hercegovine ukupan broj penzionera u Bosni i Hercegovini iznosi oko 749,5 hiljada. Podaci o srazmjernim penzijama u Republici Srpskoj nisu objavljeni u statističkom biltenu.

¹⁰ Prosječna samostalna penzija u Bosni i Hercegovini je izračunata na osnovu prosječnih samostalnih mjesečnih penzija ponderisanih udjelom ukupnog broja penzionera u svakom od entiteta u ukupnom broju penzionera. Uzme li se u obzir i broj korisnika srazmjerne penzije u Federaciji Bosne i Hercegovine prosječna penzija u Bosni i Hercegovini iznosi oko 644 KM. Podaci o srazmjernim penzijama u Republici Srpskoj nisu objavljeni u statističkom biltenu.

¹¹ U Republici Srpskoj penzije ostvarene do 31. decembra 2024. godine svim korisnicima prava usklađuju se od 01. januara 2025. godine i povećavaju u ukupnom iznosu za 6%. Izvor: Fond za penzijsko i invalidsko osiguranje Republike Srpske.

U Federaciji Bosne i Hercegovine na osnovu Odluke Upravnog odbora Federalnog zavoda za MIO/PIO o redovnom usklađivanju, penzije u aprilu 2025. godine su uvećane za 4,49%. S obzirom na to da se redovno usklađivanje primjenjuje retroaktivno od 1. januara 2025. godine, korisnicima će prilikom isplate za april biti isplaćena i razlika između ranije isplaćenih i uvećanih penzija za prva tri mjeseca tekuće godine. Izvor: Federalni zavod za penzijsko i invalidsko osiguranje.

¹² U Republici Srpskoj za penzijski staž 15-20 godina najniža penzija je iznosila 382,40 KM, za penzijski staž 20-30 godina iznosila je 446,15 KM, za penzijski staž 30-40 godina iznosila je 509,94 KM i za penzijski staž 40 i više godina najniža penzija je iznosila 637,43 KM.

2. Javne finansije

Ukupno naplaćeni javni prihodi (indirektni i direktni porezi, socijalni doprinosi, takse, kazne i naknade) su u junu mjesecu ostvarili najveći mjesečni rast od početka godine (13,4% g/g). Na navedeni rast naplaćenih prihoda, uticale su dvocifrene stope rasta prihoda naplaćenih i od strane Uprave za indirektno oporezivanje (UIO), ali i entitetskih poreskih uprava. Ako se javni prihodi posmatraju kvartalno, uočava se da je značajan rast ostvaren u drugom tromjesečju (K1 7,6% g/g, K2 11,1% g/g). Posmatrajući kumulativno, stopa rasta ukupnih javnih prihoda za period januar-jun 2025. godine je iznosila oko 8,7% g/g i rezultat je bržeg rasta prihoda tokom zadnja tri mjeseca tekuće godine. Prema raspoloživim podacima, u Bosni i Hercegovini ukupno je prikupljeno oko 12,4 milijarde KM javnih prihoda. Dešavanja u sektoru vanjske trgovine, ali i u uslužnom sektoru u značajnoj mjeri su se odrazila na kretanje prihoda od indirektnih poreza. Na rast prihoda entitetskih poreskih uprava uticala su dešavanja na tržištu rada sa početka godine (povećanje minimalne plate u oba entiteta)¹³.

Indirektni porezi

Od 01.01.2025. na snazi je Odluka o utvrđivanju posebne i minimalne akcize na cigarete i duvan za pušenje za 2025. godinu¹⁴.

Naplaćeni prihodi. Već par posljednjih godina prisutan je trend snažnijeg rasta tokom posljednjeg mjeseca u tromjesečju. U junu mjesecu 2025. godine zabilježen je rast bruto prihoda UIO Bosne i Hercegovine od oko 11,8% g/g. Ovo je prva zabilježena dvocifrena stopa od početka posmatrane godine. Navedeni rast se, svakako, odrazio i na kretanje prihoda od indirektnih poreza, posmatranih kumulativno. U prvih pola godine, UIO je ukupno prikupila oko 5,7 milijardi KM bruto prihoda, što je za oko 6% više u poređenju sa istim periodom prethodne godine. Još uvijek prisutan, rast povrata novčanih sredstava sa Jedinstvenog računa UIO (JR UIO), značajno se odrazio na neto naplatu, koja je ostvarila rast od oko 5,8% g/g. Povrat poreza na dodatu vrijednost (u daljem tekstu PDV) stranim poreskim obveznicima i dalje značajno raste, ali najveći iznos povrata je ostvaren prema PDV prijavama. Ovo ukazuje na poboljšanje ekonomske aktivnosti u Bosni i Hercegovini. Neto prihodi od indirektnih poreza, za prvih pet mjeseci su iznosili oko 4,7 milijardi KM.

Sve kategorije prihoda od indirektnih poreza su dale pozitivan doprinos stopi rasta neto prihoda, a značajni su: porez na dodatu vrijednost od 3,3 p.p. i prihodi od akciza 1,7 p.p..

¹³ O ovim mjerama pisano je detaljnije u prethodnoj Informaciji.

¹⁴ Odluka o utvrđivanju posebne i minimalne akcize na cigarete i iznos akcize na duvan za pušenje za 2025. godinu („Službeni glasnik BiH“, broj 84/24), a koja se primjenjuje od 01.01.2025. godine. Odlukom je definisano da se od 01.01.2025. godine, na cigarete i duvan za pušenje plaća sljedeća akciza i to :

a) proporcionalna akciza, po stopi od 42% na osnovicu utvrđenu u skladu sa članom 15. stav (1) tačka b) Zakona o akcizama u Bosni i Hercegovini („Službeni glasnik BiH“, br. 49/09, 49/14, 60/14, 91/17 i 50/22, u daljnjem tekstu: Zakon) i

b) specifična akciza u iznosu od 82,50 KM za 1.000 komada, odnosno 1,65 KM za pakovanje cigareta od 20 komada

Akciza na duvan za pušenje utvrđuje se u visini od 80% minimalne akcize, utvrđene u članu 3. stav (3) ove odluke i iznosi 143,20 KM po kilogramu.

<http://www.sluzbenilist.ba/page/akt/pS4G2Sohz4nh78h777kohz4nh78h77c=>

Tabela 7: Naplata i raspodjela prihoda od indirektnih poreza (rast g/g u % ako nije drugačije naznačeno)

	<i>struktura</i> 2025	<i>jan-jun</i> 2024	<i>jan-jun</i> 2025	<i>K2</i> 2025	<i>apr</i> 2025	<i>maj</i> 2025	<i>jun</i> 2025
Bruto prihodi - prikupljeno	100,0	8,4	6,0	9,6	2,7	4,8	11,8
Povrati	17,9	-6,0	6,8	5,6	17,5	2,8	11,9
Neto prihodi - prikupljeno	82,1	12,4	5,8	10,6	-0,4	9,0	11,7
<i>PDV</i>	<i>54,3</i>	<i>12,6</i>	<i>5,0</i>	<i>5,9</i>	<i>-2,6</i>	<i>9,1</i>	<i>7,4</i>
<i>Carine</i>	<i>5,0</i>	<i>17,9</i>	<i>7,0</i>	<i>5,1</i>	<i>1,7</i>	<i>1,8</i>	<i>9,9</i>
<i>Akcize</i>	<i>15,8</i>	<i>14,4</i>	<i>9,3</i>	<i>14,7</i>	<i>5,2</i>	<i>13,7</i>	<i>24,6</i>
<i>Putarine</i>	<i>6,4</i>	<i>10,5</i>	<i>4,2</i>	<i>7,4</i>	<i>0,6</i>	<i>6,5</i>	<i>15,2</i>
<i>Ostali prihodi</i>	<i>0,2</i>	<i>20,8</i>	<i>-7,1</i>	<i>-12,8</i>	<i>-14,7</i>	<i>-4,3</i>	<i>4,4</i>
<i>Neusklađeni prihodi</i>	<i>0,3</i>	<i>-51,9</i>	<i>8,2</i>	<i>-47,1</i>	<i>55,0</i>	<i>-44,2</i>	<i>...</i>
Raspoloživo za raspodjelu	100,0	8,4	5,8	8,4	1,1	8,5	10,4
Minimalne rezerve	18,3	-5,8	6,7	5,0	16,7	2,6	11,7
Budžeti	81,7	12,5	5,6	9,3	-2,4	10,0	10,1
Servisiranje vanjskog duga	11,9	15,5	-2,3	-24,2	-12,8	-9,3	-5,2
<i>Federacija Bosne i Hercegovine</i>	<i>8,0</i>	<i>15,4</i>	<i>-4,3</i>	<i>-27,5</i>	<i>-9,5</i>	<i>-27,4</i>	<i>-3,2</i>
<i>Republika Srpska</i>	<i>3,8</i>	<i>14,8</i>	<i>1,6</i>	<i>-16,8</i>	<i>-18,4</i>	<i>23,3</i>	<i>-13,1</i>
<i>Brčko Distrikt</i>	<i>0,1</i>	<i>61,8</i>	<i>6,0</i>	<i>-38,1</i>	<i>-5,0</i>	<i>81,1</i>	<i>0,0</i>
Raspodjeljeno nakon servisiranja vanjskog duga	69,8	12,0	7,0	16,3	0,7	13,1	11,0
<i>Institucije Bosne i Hercegovine</i>	<i>9,0</i>	<i>-0,8</i>	<i>-2,1</i>	<i>-2,8</i>	<i>-1,3</i>	<i>-6,0</i>	<i>3,6</i>
<i>Federacija Bosne i Hercegovine</i>	<i>37,0</i>	<i>12,7</i>	<i>9,1</i>	<i>21,1</i>	<i>-0,1</i>	<i>-20,2</i>	<i>12,1</i>
<i>Republika Srpska</i>	<i>21,4</i>	<i>17,3</i>	<i>7,5</i>	<i>16,8</i>	<i>3,7</i>	<i>9,9</i>	<i>11,6</i>
<i>Brčko Distrikt</i>	<i>2,4</i>	<i>12,7</i>	<i>6,8</i>	<i>15,4</i>	<i>-2,5</i>	<i>8,5</i>	<i>10,9</i>

Izvor: UIO Bosne i Hercegovine

PDV. Za prvih pola godine, bruto prihodi su iznosili oko 4,1 milijardu KM, što je za 5,6% više nego u istom periodu prethodne godine. Neto prihodi po osnovu PDV-a, tokom istog perioda, su iznosili oko 3,1 milijardu KM, čime su ostvarili rast od oko 5,0% g/g. U istom periodu, prihodi od PDV-a po osnovu uvoza roba veći su za oko 5,7% g/g, a prihodi naplaćeni iz prometa domaćih roba i usluga za oko 6,2% g/g.

Akcize. Prihodi od akciza, u prvom polugodištu, su iznosili oko 908 miliona KM bruto prihoda, što je za oko 8,5% g/g. Prihodi od uvoza akciza rasli su stopom od oko 8,6% g/g. Domaće akcize, su zahvaljujući rastu u junu mjesecu, ponovo ostvarile pozitivnu stopu. Na kraju posmatranog perioda ostvarile su rast od 1,7% g/g. Ukupni prihodi od akciza na naftu i derivate nafte su ostvarili rast od oko 4,2% u poređenju sa istim periodom prethodne godine, prihodi od akciza na duvan i duvanske prerađevine viši su za oko 11,7% g/g, dok su prihodi od ostalih akciza nastavili da se smanjuju. Negativna stopa rasta od 0,6% g/g je ostvarena zbog smanjenja prihoda od svih domaćih ostalih akciza.

Putarine. Ukupno naplaćeni prihodi od putarina u prvoj polovini 2025. godine iznosili su oko 356 miliona KM. Naplata prihoda od putarine uglavnom prati naplatu akciza na naftu i naftne derivate, sa određenim razlikama koje potiču od različitih osnovica na koje se obračunava i plaća putarina, odnosno akcize na naftu i derivate nafte. Tokom posmatranog perioda navedeni prihodi su ostvarili povećanje od oko 3,9% g/g, dok su neto prihodi od putarina rasli stopom od oko 4,2% g/g.

Carine. Bruto prihodi od carinskih dažbina u prvoj polovini 2025. godine su iznosili oko 304 miliona KM, dok su neto prihodi iznosili oko 294 miliona KM. U poređenju sa istim periodom prethodne godine navedeni prihodi su veći za oko 8% g/g, odnosno 7%.

Raspoređeni prihodi. U prvoj polovini 2025. godine, ukupni prihodi raspoloživi za raspodjelu su iznosili oko 5,7 milijardi KM. Nakon izdvajanja sredstava za izgradnju autoputeva i izgradnju i rekonstrukciju drugih puteva u Bosni i Hercegovini u iznosu od oko 217,2 miliona KM, minimalne rezerve u iznosu od oko 1,1 milijardu KM i sredstava za finansiranje institucija Bosne i Hercegovine u iznosu od 490 miliona KM, UIO Bosne i Hercegovine, je izvršila raspored preostalih sredstava u iznosu od oko 3,9 milijarde KM krajnjim korisnicima prema

važećim koeficijentima¹⁵. Od tog iznosa Federaciji Bosne i Hercegovine je doznačeno ukupno oko 2,4 milijarde KM (za servis vanjskog duga oko 422 miliona KM), Republici Srpskoj oko 1,3 milijarde KM (za servis vanjskog duga oko 215 miliona KM) i Brčko Distriktu oko 140 miliona KM (za servis vanjskog duga 7,5 miliona KM). U poređenju sa istim periodom prethodne godine raspoređena sredstva sa jedinstvenog računa UIO za servis vanjskog duga su manja za oko 2,3% g/g, a doznačena sredstva krajnjim korisnicima, nakon servisiranja obaveza vanjskog duga za 7,0%.

Direktni porezi, doprinosi i neporeski prihodi

Od januara 2025. godine, u primjeni su zakonski akti i mjere koje su donijele i primjenjuju, obje entitetske vlade, koje će se u narednom periodu svakako odraziti na prihode entitetskih poreskih uprava, a o čemu je detaljnije pisano u prethodnim Informacijama¹⁶.

Tabela 8: Prihodi od direktnih poreza, doprinosa, taksi, naknada i kazni u periodu januar-jun

Naziv prihoda	Federacija Bosne i Hercegovine			Republika Srpska			Bosna i Hercegovina		
	miliona KM		rast u %	miliona KM		rast u %	miliona KM		rast u %
	2024	2025		2024	2025		2024	2025	
Direktni porezi	845,7	940,7	11,2	546,6	553,2	1,4	1.391,3	1.493,9	7,4
Porez na dohodak	380,5	460,3	21,0	207,3	238,0	14,8	587,8	698,4	18,8
Porez na dobit	390,0	398,2	2,1	314,2	284,3	-9,5	704,1	682,5	-3,1
Porezi građana	75,0	82,0	9,3	24,2	30,9	27,5	99,2	112,8	13,7
Ostali porezi	0,2	0,2	12,1	0,0	0,0	-	0,2	0,2	12,1
Takse, kazne i naknade	421,0	434,2	3,1	273,9	295,3	7,8	694,9	729,5	5,0
Doprinosi	2.671,7	3.086,0	15,5	1.216,7	1.327,3	9,1	3.888,4	4.413,3	13,5
PIO	1.497,1	1.720,9	14,9	730,3	796,7	9,1	2.227,4	2.517,6	13,0
Zdravstvo	1.051,9	1.222,5	16,2	398,0	434,2	9,1	1.449,8	1.656,7	14,3
Nezaposleni	122,7	142,6	16,2	22,7	24,8	9,5	145,4	167,4	15,1
Dječija zaštita	0,0	0,0	-	61,3	66,7	8,8	61,3	66,7	8,8
Zapošljavanje invalida	0,0	0,0	-	4,4	4,9	10,5	4,4	4,9	10,5
Ostali prihodi	0,2	0,2	-	0,0	0,0	-	0,2	0,2	-
UKUPNO	3.938,6	4.461,1	13,3	2.036,3	2.175,9	6,9	5.974,8	6.637,0	11,1

Izvor: entitetske poreske uprave

Entitetske poreske uprave su u prvoj polovini 2025. godine, ukupno prikupile oko 6,6 milijardi KM javnih prihoda, iz svojih nadležnosti čime su ostvarile stopu rasta od oko 11,1% g/g. Najveći doprinos pozitivnom rastu prihoda entitetskih poreskih uprava dali su prihodi od socijalnih doprinosa. Detalji o naplaćenim prihodima slijede u tabeli iznad.

¹⁵ Odlukom Upravnog odbora UIO Bosne i Hercegovine, broj: 02-02-15-3-1/23 od 04.09.2023. godine, utvrđeni su privremeni koeficijenti raspodjele sredstava sa Jedinstvenog računa za period jul-septembar 2023. godine, i isti iznose: BiH 62,01%, RS 34,44%, Brčko Distrikt BiH 3,55%.

¹⁶ <https://fbihvlada.gov.ba/bs/utvrdena-najniza-plata-za-2025-godinu-u-iznosu-od-1000-km>

<https://fbihvlada.gov.ba/bs/11-uredba-o-isplati-pomoci-od-strane-poslodavca>;

<https://www.pufbih.ba/v1/novosti/3181/obavijest-u-vezi-primjene-uredbe-o-isplati-pomoi-radnicima-od-strane-poslodavca>

<https://erp.slglasnik.org/erp/slglasnik.org/rs/sgrs/vlada-republike-srpske/odluka/2025/6/15900>

1) Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM.

2) Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM.

3) Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM.

4) Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

Socijalni doprinosi. U prvoj polovini godine, po osnovu socijalnih doprinosa, prikupljeno je oko 4,4 milijarde KM. Navedeni prihodi su ostvarili dvocifrenu stopu rasta od oko 13,5% g/g. Posmatrajući pojedinačne kategorije prihoda od doprinosa, uočava se da one bilježe ujednačene stope rasta, i što je rezultat primjene vladinih mjera u oblasti plata.

Direktni porezi. Po osnovu prihoda od direktnih poreza, u toku posmatranog perioda, prikupljeno je oko 1,4 milijarde KM, čime su ostvarili rast od oko 7,4% g/g. Prihodi po osnovu poreza na dohodak su ostvarili značajnu dvocifrenu stopu rasta, kao rezultat povećanja plata. Sa druge strane, smanjenje prihoda po osnovu poreza na dobit, značajno ublažava rast ove kategorije prihoda. Iako podaci poreskih uprava ukazuju na povećanje privrednih subjekata (prema broju novoregistrovanih poslovnih subjekata), pretpostavka je da je njihovo poslovanje negativno.

Takse, kazne i naknade. Po osnovu različitih taksi, naknada i kazni, tokom posmatranog perioda 2025. godine, ukupno je naplaćeno oko 730 miliona KM, što je za oko 5,0% više nego u prvom polugodištu 2024. godine. Naplata ove vrste prihoda je stabilna i ukazuje na pooštavanje fiskalne discipline i inpekcijskog nadzora. Na rast prihoda u navedenoj kategoriji najveći doprinos su imali povećani prihodi po osnovi naknada za priređivanje igara na sreću, naknada (prihodi od zemljišne rente, komunalna taksa za korišćenje reklamnih panoa, naknada za uređivanje građevinskog zemljišta) i raznih kazni (najvećim dijelom, prekršajne kazne).

3. Cijene, monetarni i finansijski sektor

Cijene

U Bosni i Hercegovini je u periodu I-VI 2025. godine registrovana inflacija od 3,6% g/g. Ubrzan rast ukupnog nivoa cijena prisutan je od početka godine. U junu 2025. godine inflacija je iznosila 4,6% g/g što je znatno brži rast cijena u poređenju sa inflacijom u junu prošle godine. U periodu I-VI 2025. godine prosječna inflacija u Federaciji Bosne i Hercegovine je iznosila 3,3% a u Republici Srpskoj 3,8%.

Posmatrano po odjeljcima prema namjeni potrošnje najznačajniji rast cijena je u odjeljcima hrane i bezalkoholnih pića te zdravstva, alkoholnih pića i duvana. Pored ovih odjeljaka rast cijena u odjeljku restorana i hotela i ostalih dobara i usluga imao je doprinos kretanju inflacije u Bosni i Hercegovini. Svi ostali odjeljci su imali manji uticaj na rast ukupnog nivoa cijena.

Tabela 9: Indeks potrošačkih cijena (poređenje sa istim periodom prethodne godine)

Period	Bosna i Hercegovina	Federacija Bosne i Hercegovine	Republika Srpska
I-XII 2024	101,7	101,4	101,8
I 2025	103,3	103,3	103,2
II 2025	103,5	103,4	103,6
III 2025	103,2	103,0	103,3
IV 2025	103,4	103,0	103,6
V 2025	103,7	103,2	104,1
VI 2025	104,6	104,2	104,7
I-VI 2025	103,6	103,3	103,8

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U periodu I-VI 2025. godine u odjeljku hrane i bezalkoholnih pića cijene su uvećane za 8,5% g/g uz ubrzane stope rasta cijena hrane od početka godine što dominantno utiče na ukupnu inflaciju u Bosni i Hercegovini (tabela ispod).

Cijene u odjeljku alkoholnih pića i duvana u periodu I-VI 2025. godine su uvećane za 4,3% g/g. Od 1. januara 2025. godine stupila je na snagu Odluka o utvrđivanju specifične i minimalne akcize¹⁷ na cigarete i duvan za 2025. godinu. Pored toga, u februaru i junu je došlo do poskupljenja cigareta od strane pojedinih proizvođača što je uticalo na rast cijena ovih proizvoda u posmatranom periodu.

Tabela 10: Indeks potrošačkih cijena u Bosni i Hercegovini

Odjeljak	<u>I 2025</u> I 2024	<u>II 2025</u> II 2024	<u>III 2025</u> III 2024	<u>IV 2025</u> IV 2024	<u>V 2025</u> V 2024	<u>VI 2025</u> VI 2024	<u>I-VI 2025</u> I-VI 2024
00 Ukupan indeks	103,3	103,5	103,2	103,4	103,7	104,6	103,6
01 Hrana i bezalkoholna pića	106,3	107,2	107,8	108,9	109,9	110,8	108,5
02 Alkoholna pića i duvan	104,3	105,6	103,9	104,0	104,0	103,8	104,3
03 Odjeća i obuća	91,3	91,1	90,8	104,0	91,8	92,5	91,5
04 Stanovanje, voda, el. energija, plin i dr. energenti	100,8	100,4	100,6	101,0	100,2	101,0	100,7
05 Namještaj, kućni uređaji i redovno održavanje kuće	99,6	100,0	98,9	99,4	100,6	101,1	99,9
06 Zdravstvo	107,0	106,8	106,3	106,3	106,4	106,4	106,5
07 Prevoz	99,8	99,2	96,9	94,4	93,6	95,7	96,6
08 Komunikacije	100,3	100,2	100,2	100,2	100,4	100,4	100,3
09 Rekreacija i kultura	103,4	103,4	103,1	103,3	104,4	104,9	103,7
10 Obrazovanje	100,5	100,6	100,6	100,6	100,8	101,9	100,8
11 Restorani i hoteli	107,1	105,9	105,8	105,8	106,2	107,2	106,3
12 Ostala dobra i usluge	103,4	103,3	102,8	102,7	103,0	103,4	103,1


Izvor: Agencija za statistiku Bosne i Hercegovine

Stabilne cijene sirove nafte imale su uticaj na kretanje cijena u odjeljku prevoza koje su periodu I-VI 2025. godine niže za 3,4% g/g. Prema podacima Svjetske banke cijena sirove nafte u junu 2025. godine je niža za 14,8% u odnosu na juni 2024. godine i iznosi oko 69 \$/barelu. Međutim, u poređenju sa cijenama u maju 2025. godine cijena sirove nafte je viša za 10,2% (grafikon ispod) što bi moglo ukazivati na postepeni rast cijena ovog energenta. Cijena prirodnog gasa (Evropa) u junu 2025. godine je uvećana za 13,8% u odnosu na juni 2024. godine.

U odjeljku stanovanja, vode, električne energije, plina i drugih energenata (režijski troškovi) cijene se nisu značajno mijenjale (0,7% g/g) u periodu I-VI 2025. godine pa je i njihov doprinos rastu ukupne inflacije u Bosni i Hercegovini bio zanemariv.

¹⁷ Upravni odbor Uprave za indirektno oporezivanje donio je Odluku o utvrđivanju specifične i minimalne akcize na cigarete i iznos akcize na duvan za pušenje za 2025. godinu. Minimalna akciza za pakovanje cigareta od 20 komada iznosi 3,58 KM (u 2024. godini je iznosila 3,46 KM), a specifična akciza iznosi 1,65 KM za pakovanje cigareta od 20 komada (ostala je ista u odnosu na 2024. godinu). Akciza na duvan za pušenje utvrđuje se u visini od 80% minimalne akcize na cigarete utvrđene u članu 3. stav (3) ove odluke iznosi 143,20 KM po kilogramu (u 2024. godini je iznosila 138,4 KM po kilogramu). Izvor: Odluka o utvrđivanju specifične i minimalne akcize na cigarete i iznos akcize na duvan za pušenje za 2025. godinu.

Grafikon 7: Kretanje cijena sirove nafte, prirodnog gasa i indeksa hrane na svjetskom tržištu




Izvor: Svjetska banka

Berze u Bosni i Hercegovini

Promet na sarajevskoj berzi (u daljem tekstu SASE) u mjesecu junu 2025. godine je iznosio svega 4,4 mil. KM uz negativnu stopu od 95,6% g/g što predstavlja samo 5,1% ukupnog prometa u Bosni i Hercegovini. U ovom mjesecu na SASE nisu organizovane javne emisije obveznica i trezorskih zapisa.

Grafikon 8: Promet na SASE u milionima KM




Izvor: SASE

Ukupan promet na SASE na kraju prvog polugodišta 2025. godine je dostigao 402,8 mil. KM uz stopu rasta od 39% g/g što predstavlja 55,1% ukupno ostvarenog prometa. Putem javne emisije obveznica i trezorskih zapisa za emitente je prikupljeno 377,9 mil. KM.

Promet na Banjalučkoj berzi (u daljem tekstu BLSE) u mjesecu junu 2025. godine je dostigao 82,3 mil. KM uz negativnu stopu rasta od 19,8% g/g. Ovaj iznos predstavlja 94,9% ostvarenog prometa u Bosni i Hercegovini. U ovom mjesecu je putem javne ponude obveznica i trezorskih zapisa za emitente prikupljeno 79,1 mil. KM.

Grafikon 9: Promet na BLSE u milionima KM



Izvor: BLSE

Ukupan promet na BLSE na kraju prvog polugodišta 2025. godine je dostigao 328,5 mil. KM uz negativnu stopu rasta od 22,5% g/g što predstavlja 44,9% ukupno ostvarenog prometa. Putem javne emisije obveznica i trezorskih zapisa za emitente prikupljeno 316,9 mil. KM. Ukupan promet na SASE i BLSE na kraju prvog polugodišta 2025. godine je dostigao 731,3 mil. KM uz stopu rasta od 2,5% g/g. Ukupno je u Bosni i Hercegovini putem javne ponude obveznica i trezorskih zapisa prikupljeno 694,8 mil. KM što je više za 24,5% u odnosu na isti period u prošloj godini. Ovaj ostvareni iznos putem javne ponude predstavlja 95% ukupnog ostvarenog prometa u Bosni i Hercegovini.


Tabela 11: Ukupan promet (u KM) na kraju prvog polugodišta na SASE i BLSE

Godina	SASE	BLSE	UKUPNO
P1-2023	167.556.907,5	516.492.061,2	684.048.968,7
P1-2024	289.739.998,2	423.942.912,9	713.682.911,1
P1-2025	402.805.117,8	328.530.565,1	731.335.682,9

Izvor: SASE i BLSE

Kapitalizacija na SASE u mjesecu junu je dostigla 7,9 mlrd. KM uz stopu rasta od 12,5% g/g. Kapitalizacija na BLSE na kraju istog mjeseca 2025. godine je iznosila 5,0 mlrd. KM uz negativnu stopu rasta od 2,7% g/g. Ukupna kapitalizacija na (SASE+BLSE) kraju ovog mjeseca je dostigla 12,9 mlrd. KM uz stopu rasta od 6,0% g/g. Odnos kapitalizacije na SASE prema BLSE na kraju ovog perioda je bio 61,1% prema 38,9%.

Grafikon 10: Kapitalizacija na SASE i BLSE u milijardama KM i stopa rasta u %




Izvor: SASE i BLSE

4. Vanjski sektor

Vanjskotrgovinska robna razmjena

Bosna i Hercegovina je u proteklih nekoliko godina bilježila kontinuirani trend rasta vanjskotrgovinske robne razmjene, što se u pojedinim godinama manifestovalo i dvocifrenim stopama rasta izvoza i uvoza roba. Međutim u 2024. godini ovaj pozitivan trend je zaustavljen obzirom da je ukupna vanjskotrgovinska robna razmjena u Bosni i Hercegovini stagnirala. Tako su glavne karakteristike vanjskotrgovinske robne razmjene u 2024. godine bile, stagnacija ukupnog obima razmjene, smanjenje izvoza roba, povećanje uvoza roba i povećanje vanjskotrgovinskog deficita.¹⁸ Međutim, prema trenutno raspoloživim podacima o vanjskotrgovinskoj robnoj razmjeni u Bosni i Hercegovini za 2025. godinu čini se da je došlo do zaustavljanja ovog negativnog trenda. Naime, nakon dugo vremena u Bosni i Hercegovini je došlo do istovremenog rasta izvoza i uvoza roba, što je rezultiralo povećanjem ukupnog obima vanjskotrgovinske u odnosu na isti period prethodne godine. Pregled kretanja vanjskotrgovinskih pokazatelja u Bosni i Hercegovini u P1 2025. godine prikazan je na grafikonu ispod.

Grafikon 11: Vanjskotrgovinska robna razmjena u Bosni i Hercegovini u P1 2025. godine
(nominalni iznosi i stope rasta g/g)



Prema trenutno raspoloživim podacima BHAS-a za P1 2025. godine izvoz roba iz Bosne i Hercegovine iznosio je preko 8,4 milijarde KM što predstavlja nominalno povećanje od 465 miliona KM odnosno 5,8% u odnosu na isti period prethodne godine.¹⁹ Posmatrano na mjesečnom nivou, izvoz roba iz Bosne i Hercegovine već 9 mjeseci zaredom bilježi pozitivne stope rasta što bi moglo ukazivati da su negativni trendovi iz prethodne godine zaustavljeni. Tako je stopa rasta izvoza roba u junu 2025. godine u odnosu na isti mjesec prethodne godine iznosila 3,1%. Ako se izvoz roba iz Bosne i Hercegovine u P1 2025. godine posmatra detaljnije po proizvodima, vidljivo je da su najznačajnija povećanja izvoza roba registrirana u okviru izvoza el. energije 51,9% (1,9 p.p.), ruda metala gdje je izvoz višestruko uvećan a doprinos rastu ukupnog izvoza iznosio (1,6 p.p.), autokomponenti 5,9% (0,7 p.p.), baznih metala 17,8%

¹⁸Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za decembar 2024. godine-prethodni podaci“, 20.01.2025. godine.

¹⁹Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za januar-juni 2025. godine“, 21.07.2025. godine.

(1,3 p.p.), gotovih metalnih proizvoda 5,9% (0,7 p.p.), prehrambenih proizvoda 15,7% (0,9 p.p.) i dr. S druge strane, u P1 2025. godine najznačajnija smanjenja su zabilježena u okviru izvoza koksa 67% (-1,3 p.p.), mašina i uređaja 5,4% (-0,4 p.p.), odjeće 8,0% (-0,4 p.p.) i namještaja 5,8% (-0,4 p.p.). Ako se izvoz roba iz Bosne i Hercegovine u P1 2025. godine posmatra po glavnim trgovinskim partnerima vidljivo je da najviše robe izvezeno na tržište zemalja EU u vrijednosti od preko 6,2 milijarde KM što predstavlja povećanje od 4,9% u odnosu na isti period prethodne godine. S druge strane, izvoz roba iz Bosne i Hercegovine u zemlje CEFTA-e iznosio je preko 1,4 milijarde KM što predstavlja povećanja od 12,9%. Ako se robni izvoz iz Bosne i Hercegovine u P1 2025. godine posmatra po zemljama vidljivo je da su najznačajnija povećanja zabilježena prilikom izvoza u Hrvatsku 19,8% (3,2 p.p.), Srbiju 11,2% (1,2 p.p.), Austriju 1,9% (0,2 p.p.), Sloveniju 1,9% (0,2 p.p.), dok su najznačajnija smanjenja registrirana prilikom izvoza u Njemačku 2,9% (-0,5 p.p.) i Italiju 2,7% (-0,2 p.p.). S druge strane, uvoz roba u Bosnu i Hercegovinu u P1 2025. godine iznosio je skoro 14,7 milijardi KM što predstavlja nominalni rast od 631 miliona KM odnosno 4,5% u odnosu na isti period prethodne godine. Posmatrano na mjesečnom nivou, uvoz roba u Bosnu i Hercegovinu u junu 2025. godine u poređenju sa istim mjesecom prethodne godine uvećan je za 3,6%. Ovaj nastavak trenda rasta uvoza je veoma značajan u kontekstu kretanja privatne potrošnje i investicija odnosno domaće tražnja u zemlji koja predstavlja glavno uporište ekonomskog rasta u zemlji. Posmatrano po proizvodima, u P1 2025. godine najznačajnija povećanja uvoza su registrirana u okviru uvoza električne energije koji je značajno uvećan i doprinosio je povećanju ukupnog uvoza sa (1,9 p.p.), zatim baznih metala 7,8% (0,7 p.p.), prehrambenih proizvoda 7,8% (0,8 p.p.), hemijskih proizvoda 5,7% (0,4 p.p.), te gotovih metalnih proizvoda 4,4% (0,2 p.p.) i dr. S druge strane, smanjenja su zabilježena prilikom uvoza kamenog uglja 54,2% (-0,9 p.p.), rafiniranih naftnih derivata 8,7% (-0,8 p.p.), mašina i uređaja 1,9% (-0,2 p.p.) tekstila 3,7% (-0,1 p.p.) i dr. Ako se uvoz roba u Bosnu i Hercegovinu u P1 2025. godine posmatra po glavnim trgovinskim partnerima vidljivo je da najviše robe uvezeno sa tržišta zemalja EU u vrijednosti od skoro 8,6 milijardi KM što predstavlja povećanje od 1,6% u odnosu na isti period prethodne godine. Uvoz roba iz zemalja CEFTA-e iznosio je skoro 1,8 milijardi KM što predstavlja povećanje od 12,6% u odnosu na isti period prethodne godine. Ako se robni uvoz u Bosnu i Hercegovinu u P1 2025. godini posmatra po zemljama vidljivo je da su najznačajnija povećanja istog zabilježena prilikom uvoza iz Hrvatske koji je uvećan za 39,8% uz doprinos rastu ukupnog uvoza roba od (2,6 p.p.), zatim Kine 16% (1,5 p.p.), Srbije 12,7% (1,2 p.p.), Austrije 3,3% (0,1 p.p.). S druge strane, najznačajnija smanjenja uvoza su registrirana prilikom uvoza iz Italije 12,2% (-1,7 p.p.), Njemačke 2,6% (-0,3 p.p.) i Slovenije 2,1% (-0,1 p.p.). Ovakva kretanja izvoza i uvoza roba u P1 2025. godine rezultirala su vanjskotrgovinskim deficitom od skoro 6,3 milijarde KM, što predstavlja povećanje od 166 miliona KM odnosno 2,7% u poređenju sa istim periodom prethodne godine. Ako se posmatra struktura robnog deficita u Bosni i Hercegovini može se zaključiti da su rafinirani naftni proizvodi, motorna vozila, farmaceutski preparati i prehrambeni proizvodi najviše doprinosili povećanju deficita. S druge strane, namještaj, metalne konstrukcije i obuća su kategorije u okviru kojih Bosna i Hercegovina ostvaruje suficit. Ukupna pokrivenost uvoza izvozom u Bosni i Hercegovini u P1 2025. godine iznosila je 57,4%, pri čemu je pokrivenost sa zemljama EU iznosila 72,8% a sa zemljama CEFTA-e 79,9%. Detaljniji prikaz vanjskotrgovinske robne razmjene u Bosni i Hercegovini u P1 2025. godine po HS klasifikaciji prikazan je u tabeli ispod.

Tabela 12: Vanjskotrgovinska robna razmjena u Bosni i Hercegovini u P1 2025. godine, HS klasifikacija

Izvozi uvoz dobara klasifikovanih prema harmonizovanom sistemu kodova (HS)	IZVOZ				UVOZ				DEFICIT				
	P1 2024		P1 2025		2025/2024 promjena %		P1 2024		P1 2025		2025/2024 promjena %		Pokrivenost uvoza izvozom
	u mil KM	u mil KM	g/g	p-p	u mil KM	u mil KM	g/g	p-p	u mil KM	u mil KM	g/g	p-p	
UKUPNO	7967	8432	5.8	5.8	14052	14682	4.5	4.5	-6085	-6250	2.7	2.7	57.4%
1 ŽIVOTINJE I PROIZVODI PROIZVODI	108	119	9.9	0.1	474	473	-0.2	0.0	-366	-354	-3.2	-0.2	25.1%
2 BILJNOG MASTI I ULJA	100	95	-5.0	-0.1	544	620	14.0	0.5	-444	-525	18.2	1.3	15.3%
3 ŽIVOTINJSKOG PREHRAMBENE	62	120	91.8	0.7	99	157	58.6	0.4	-37	-38	2.2	0.0	76.1%
4 PRERAĐEVINE PROIZVODI	257	269	4.7	0.2	1279	1376	7.6	0.7	-1022	-1107	8.3	1.4	19.5%
5 MINERALNOG PROIZVODI	608	827	36.0	2.7	1777	1819	2.4	0.3	-1169	-992	-15.1	-2.9	45.5%
6 HEMIJSKE PLASTICNE	630	628	-0.3	0.0	1264	1346	6.5	0.6	-634	-718	13.2	1.4	46.7%
7 MASE, GUMA I	399	415	4.0	0.2	903	939	4.0	0.3	-504	-524	4.0	0.3	44.2%
8 KOŽA I KRZNO	40	48	20.0	0.1	128	118	-7.8	-0.1	-88	-70	-20.5	-0.3	40.7%
9 DRVO I PROIZVODI OD CELULOZA,	464	477	2.8	0.2	205	215	4.9	0.1	259	262	1.2	0.0	221.9%
10 PAPIR I KARTON TEKSTIL I	219	232	5.9	0.2	301	291	-3.3	-0.1	-82	-59	-28.0	-0.4	79.7%
11 TEKSTILNI OBUČA, ŠEŠIRI,	423	394	-6.9	-0.4	806	811	0.6	0.0	-383	-417	8.9	0.6	48.6%
12 KAPE I SLIČNI PROIZVODI OD	382	360	-5.8	-0.3	194	213	9.8	0.1	188	147	-21.8	0.7	169.0%
13 KAMENA, GIPSA, BISERI,	114	117	2.6	0.0	286	295	3.1	0.1	-172	-178	3.5	0.1	39.7%
14 PLEMENITI BAZNI METALI I	24	26	8.3	0.0	35	33	-5.7	0.0	-11	-7	-36.4	-0.1	78.8%
15 PROIZVODI OD MASINE,	1453	1513	4.1	0.8	1833	1949	6.3	0.8	-380	-436	14.7	0.9	77.6%
16 APARATI TRANSPORTNA	1408	1410	0.1	0.0	2189	2163	-1.2	-0.2	-781	-753	-3.6	-0.5	65.2%
17 SREDSTVA I SATOVI, MJERNI,	334	376	12.6	0.5	1169	1241	6.2	0.5	-835	-865	3.6	0.5	30.3%
18 MUZIČKI I ORUŽJE I	63	66	4.8	0.0	199	239	20.1	0.3	-136	-173	27.2	0.6	27.6%
19 MUNICIJA, RAZNI	178	238	33.7	0.8	14	17	21.4	0.0	164	221	34.8	-0.9	1400.0%
20 PROIZVODI UMJETNIČKA	688	691	0.4	0.0	341	357	4.7	0.1	347	334	-3.7	0.2	68.7%
21 DJELA,	0	0	0.0	0.0	0	0	0.0	0.0	0	0	0.0	0.0	0.0%
98 NERAZVRSTANO	0	0	0.0	0.0	0	0	0.0	0.0	0	0	0.0	0.0	0.0%

Izvor: BHAS

5. Strana direktna ulaganja

U vrijeme pisanja informacije nisu bili dostupni podaci o stranim direktnim ulaganjima za mjesec april, maj i juni 2025. godine.

Prema posljednjim dostupnim podacima od strane CBBiH²⁰ SDU u Bosni i Hercegovini su u prvom kvartalu 2025. godine dostigla 440,0 mil. KM dok su ukupne reinvestirane zarade u ovom periodu su dostigle 325,0 mil. KM .

Tabela 13: Strana direktna ulaganja po kvartalima i ukupno u milionima KM

Godina	K1	K2	K3	K4	K1-K4
2022.	420,6	442,2	396,7	316,0	1.575,4
2023.	499,2	592,9	404,6	375,3	1.872,0
2024.	592,7	394,9	513,9	535,4	2.036,8
2025	440,0				

Izvor: CBBiH

Dana 2. avgusta 2024. agencije za ocjenu kreditnog rejtinga Standard & Poor's i Moody's Investors Service potvrdile su Bosni i Hercegovini suvereni kreditni rejting „B+ sa stabilnim izgledima“ i „B3 sa stabilnim izgledima“.

²⁰ BPM6_for_users_Q1_2015_Q1_2025_stan, neto finansijska pasiva

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za januar – juni 2025. godine.***

broj: _____ od _____. godine.

Broj: _____, _____. godina.
S a r a j e v o

M. P. Predsjedavajuća
Vijeća ministara Bosne i Hercegovine

Borjana Krišto

Na temelju članka 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), članka 54. stavka (1) točke b) i članka 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za siječanj – lipanj 2025. godine.***

broj: _____ od _____. godine.

Broj: _____, _____. godina.

S a r a j e v o

M. P.

Predsjedateljica
Vijeća ministara Bosne i Hercegovine

Borjana Krišto

На основу члана 17. Закона о Савјету министара Босне и Херцеговине („Службени гласник Босне и Херцеговине“, бр. 30/03, 42/03, 81/06, 94/07 и 24/08), члана 54. става (1) тачке б) и члана 56. Пословника о раду Савјета министара Босне и Херцеговине („Службени гласник БиХ“, број 22/03) Савјет министара Босне и Херцеговине на _____ сједници, одржаној _____ године, донио је
(број сједнице) (датум сједнице)

ЗАКЉУЧАК

1. Савјет министара Босне и Херцеговине усвојио је *Информацију о кретању макроекономских показатеља у Босни и Херцеговини за јануар – јуни 2025. године.*
број: _____ од _____ године.

Број: _____, _____ година.
С а р а ј е в о

М. П. Предсједавајућа
Савјета министара Босне и Херцеговине

Борјана Кришто